

# Yehovha A Tiyisa Gidiyoni

VAAVANYISI TINDZIMA 6-7

VUTOMI A BYI VA TIKELA VAISRAYELE. VAMIDIYANI A VA TSHAMELA KU HLAELA TIKO RA ISRAYELE. NTSHUNGU WA VAMIDIYANI A WU XANISA VAISRAYELE, WU VA HLAELA NI KU ONHA SWAKUDYA SWA VONA.

VAISRAYELE VA KOMBELE YEHOVHA LESWAKU A VA PFUNA.

YEHOVHA, HI KOMBELA U HI PONISA!

XIKWEMBU XI RHUME NTSUMI EKA GIDIYONI.


MINA? NDZO VA MANI. **NDZI** TA RI PONISA NJHANI TIKO RA ISRAYELE?

YEHOVHA U NA WENA, WENA NHENHA YA MATIMBA. U TA PONISA TIKO RA ISRAYELE.

HIKUVA YEHOVHA U TA VA NA WENA.



LESWAKU YEHOVHA A VONA LOKO GIDIYONI A N'WI TSEMBA HI MBILU HINKWAYO, U N'WI RHUME KU YA ENDLA NTIRHO WO HLAWULEKA: KU MBUNDZUMUXA XIFANISO XA VUHEDENI.



NIVUSIKU, GIDIYONI U TEKE VAVANUNA VAKWE VA KHUME KUTANI VA YA MBUNDZUMUXA XIFANISO.

KAMBE VAISRAYELE A VA HA RI **EKHOMBYENI!** VAMIDIYANI NI MAVUTHU MAN'WANA VA TSEMAKANYE NDZILAKANO WA ISRAYELE KUTANI VA DZIMA MINXAXA YA VONA ERIVALENI RA YIZRIYELE.

HI NGENE  
ENDHAWINI YA VONA.  
SWESWI A XI KONA  
LEXI NGA HI SIVELAKA!

HI NI MATIMBA  
KU VA TLULA!

GIDIYONI U KOMBELE XITIYISEKISO XA LESWAKU YEHOVHA A A TA N'WI PFUNA. KUTANI YEHOVHA U ENDLE **MASINGITA** MAMBIIRHI YO HLAMARISA. (HLAYA VAAVANYISI 6:36-40.)





GIDIYONI NI MASOCHA YAKWE VA LUNGHEKELE KU YA LWA NI VAMIDIYANI.

LOKO HI LANDZELA SWILETELO SWA YEHOVHA, U TA HI PFUNA LESWAKU HI HLULA!

KUTANI YEHOVHA U VULAVULE NA GIDIYONI.

GIDIYONI, MASOCHA YA WENA LAMA NGA NI XIVINDZI LAMA NGA TA YA ENYIMPINI I 300 NTSENA. KUTANI U TA SWI TIVA LESWAKU **NDZI** PONISE TIKO RA ISRAYELE.



HI TA TIRHISA RHENGU RIHI?

UN'WANA NI UN'WANA WA HINA U TA TEKA NANGA, KHUWANA NI XISANA.

KUTANI HI TA ENDLA LESWI GIDIYONI A SWI ENDLAKA.

YEHOVHA U NA HINA! EXIKARHI KA VUSIKU, YIMBANI TINANGA, HI FAYA MAKHUWANA KUTANI MI HUWELELA . . .








BANGA RA  
YEHOVHA NI  
RA GIDIYONI!

KU HUMELELA  
YINI?

VAISRAYELE  
VA KWALA!





VAMIDIYANI VA **TSUTSUMILE**, HILOKO VAISRAYELE VA VA HLONGORISA. HAMBILESWI VAISRAYELE A VA **NGA TALANGA** TANIHI LESWI SOCHA RIN'WE A RI BOHEKA KU LWA NI MASOCHA YA 450, YEHOVHA U VA PFUNILE LESWAKU VA **HLULA**.

**HI DYONDZA YINI EMHAKENI LEYI?**

HA YINI GIDIYONI A A **CHAVA** VAMIDIYANI?

**LEXI NGA KU PFUNAKA KU KUMA NHLAMULO:**  
VAAVANYISI 6:2-6, 15.

GIDIYONI U ENDLE YINI LESWAKU A VA NI **XIVINDZI?**

**LEXI NGA KU PFUNAKA KU KUMA NHLAMULO:**  
VAAVANYISI 6:27a, 36-40.

**U NGA ENDLA NJHANI LESWAKU U VA NI XIVINDZI LOKO U CHAVA?**

**LEXI NGA KU PFUNAKA KU KUMA NHLAMULO:**  
PISALEMA 138:3, 8; SWIVURISO 17:17;  
VAHEVERU 13:6.